

III.

(2. Sept. 1493.)

Dem erwidigen vnnserm fürsten anechtigen vnd lieben getrewen n. vnnsern stathaltern vnd vier geordenten reten zu Ynnsprugg.

Maximilian von gots gnaden römischer kunig etc.

Erwidiger fürst anechtiger vnd lieben getrewen. Wir emphelhen euch mit ernnst, daz jr vnnserm getrewen lieben Wilhelmen von Stadion vnnserm rate, von vnnsern wegen, in zwayen jaren den nechsten ausrichtet vnd bezalet, benanntlich hundert vnd sechs- unddreyssig guldin reinisch zu ganntzer bezalung der schuld, so wir jme für seine diennst, vnns in vnnsern Nidern lannden getan, zu tund gewesen sein; die sollen euch auff dits vnnser gescheft vnd sein quittung in ewr raytung gelegt vnd abgezogen werden, vnd jr tut daran vnnser ernstliche meynung. Geben zu Ynnsprugg an montag nach Sannd Egidientag, anno etc. Lxxxij. vnnsers reichs im achten jare.

Maximilianus ^m/_p.

Commissio domini
Regis propria.

Sernteiner ^m/_p.

Orig. Papier. Geh. H. Archiv.

IV.

(11. Sept. 1493.)

Wir Maximilian von gots gnaden, romischer kunig zu allen tzeiten merrer des reichs, zu Hungern, Dalmatien, Croatien etc. kunig, ertzherzog zu Osterreich, hertzog zu Burgundi, zu Brabant, zu Geldern etc. graue zu Flanndern, zu Tirol etc. embieten dem wolgepornen vnnserm vnd des heiligen reichs fürsten, rate, vnd lieben getrewen Lienharten, grauen zu Gortz, vnnser gnad vnd alles gut. Wolgeborner fürst, rate, lieber getrewer. Vnns hat Michel Aderstorfer vnnser vnd des reichs lieben getrewen Bartholmen vnd Sigmund gebrüder von Wellsperg diener anbringen laßen, wie du jne gefenncklich angenommen, vnd vber das er vrsach solichs annemens nit wiße, vnd sich erboten, wo er ichtzit ver-